

3 Yohane

Yohanenjo Kibi Atak Karewe Qeke

¹ Na doku tau tau enjane njene mama, Nonjo kima maepne Gaius genjane kibi iwa qe ginmaile, na welekatatne wet maep okanganmaile. ² Kima maepne, na detmaile, ge Asurop mayakatne gemaine, yeye kine kine okanmaine yewa maine genjano payake, so solanone zoma kubet, wikile wakikle midaine mayakatne, maine gekenane menjenkamaile. ³ Ge don welekatne yewa mage more tewek okanmaine. Ea wane don kisinone kima natne edo sari nolatpi detpe paki wetne zok peseke. Na detmaile, ge naso banjem don welekatne rara, ea wane kotino gemaine. ⁴ Gipon borasokopne enje don welekatne rara, ea wane kotino gemami, don kisi yale detpe paki wetne zok pese okanmaiike, kine kine natne eawane wet pesek yewanjo iwa wane wet pesek yewa mi yuankayake.

Gaius Ene Urata Mayakatne Make

⁵ O, kima maepne, ge urata korop ma more nei kima maulukone qesinone okanmaine, so mat osop njineka mida, matene abaran njine nei lobo wenenj qesinone okanmaine. ⁶ Nei enje iwa lewa lewago ge doku tau tau magu wet maep okanon okanmaine, eawane gem mawa okangangoi, nei sariu, ge Anutu wane nejno qesinone biraonnom, enje numaene takotke ariu, Anutujo detki menageake. ⁷ Ene Kristo wane donkisi rau

sua ariakane kepe matene qeligeu paki miti qelit arimami, eje qelan doku tau tau magu mi okane gemami, nei enano nene lewine mane mi ma okanmami wane qesinonikene. ⁸ Nene doku tau tau maguno nei iwa qesinonikene, yale okanmem paki, enerop urata mamaze weku okanmem paki, ma togole nago more, don welekatne eawane urataine maine mapitonikene.

Diotrepes Eje Masi Qotkoine Okange

⁹ Na doku tau tau magu enane kibi mane bamgo ge ebongole, no Diotrepes eje enane suaineene geakane ra okan maike, no eje nenane don mi det okan maike. ¹⁰ Ea wane na ninano sarikale naso yewao eje masi kine kine okange yewa korop peike sarikale. Kine kine mi oka okane yewa nenane ra okanmageake, so isi don edan okan maike! No yewano enane rokop mi okanmaike, nei kima sariu ebu matino mi biraongi wau nara ebon okan maike, so nei natne edo nei kima sariu ebu mateno biraonbi waikai wane okanbi doku tau tau magu enanonjine kitat one esop ongi saket ari okanmami!

Demitriusno Masi Maine Okange

¹¹ Kima maepne, ge nei borikinane qelit geu, ge eje misuk mogat onikene. No mainane qelit geu eaka mogat onikene, mane eje masi tanik maine okane geake eje Anutu wane medep geake. No mane eje masi tanik qotkoine okane gemaikene, eje Anutu mi kake.

¹² Nei korop eje Demitrius wane detpi menangi mawa kamami, Anutu wane don welekatne yewano yale waka enane bakom kitomaikene,

pakimo nene enano takotke bakom kitomaine, yewa ge detmaine, nene don iwa ramaine yemo welekatne.

Don Qoiqoine

¹³ Na don loutne ge n̄ibonikalane wetkemaile, n̄o siluŋ peada so tideoŋo qekalane mi detmaile.

¹⁴ Na geŋano mo ikopka ukalane ramaile, u lotkewe gerop don aukete. ¹⁵ Peam̄ŋo gerop payake, kimakop̄ŋone iwa korop eŋe geŋane kaiwe maine ra n̄ibonmami, n̄ine yalewaka n̄enane ra more kima kopze gerop gemami, korop eŋe kaiwe maine ra ebonikene.

Waom Yesu Wane Sigi Maep Don
The New Testament in the Ono Language of Papua
New Guinea
Nupela Testamen long tokples Ono long Niugini

Copyright © 1991 The Bible Society of Papua New Guinea

Language: Ono

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 11 Nov 2022 from source files dated 22 Nov 2019

646541a1-8d36-5993-802c-6bb850da5963